

Bosna i Hercegovina
Federacija Bosne i Hercegovine
Unsko-sanski kanton
Općina Velika Kladuša
Općinski načelnik
Općinsko vijeće Velika Kladuša

PREDMET: VIJEĆNIČKA INICIJATIVA

Poštovani,

Na osnovu člana 7. Poslovnika Općinskog vijeća Općine Velika Kladuša kojim se propisuje pravo vijećnika da podnosi inicijative, koje se odnose na rad Općinskog načelnika i službi za upravu u izvršavanju zakona, drugih propisa i općih akata Općinskog vijeća, kao i na rad institucija koje imaju javna ovlaštenja, upućujem vijećničku inicijativu za **ukidanje naplate takse na istaknutu firmu na području općine Velika Kladuša.**

O B R A Z L O Ž E N J E:

Odlukom o komunalnim taksama i tarifi komunalnih taksa („Službeni glasnik Općine Velika Kladuša“, broj: 9/22) u članu 3. propisane su vrste komunalnih taksa koje se plaćaju, a pod tačkom a) istog člana navedena je taksa na istaknutu firmu. Članom 8. propisano je da obaveznik takse podnosi prijavu za razrez takse iz člana 3. tačka a) Poreznoj upravi, ispostava Velika Kladuša. U međuvremenu, taksa na istaknutu firmu je bila predmetom pred Ustavnim sudom Bosne i Hercegovine (U-11/23) gdje je Ustavni sud BiH odlučio da koncept komunalne takse na istaknutu firmu nije u skladu sa Ustavom BiH. Kako je obrazloženo, plaćanjem takse na istaknutu firmu poslovni subjekt ne dobija nikakvu uslugu od državnih organa, pa se ona ne može smatrati taksom, a s obzirom na to da se ne obračunava na osnovu prihoda niti dohotka, ona se ne može smatrati ni porezom. U ovom predmetu pred Ustavnim sudom Bosne i Hercegovine, komunalna taksa na istaknutu firmu je testirana kao koncept, tako da ova Odluka Ustavnog suda važi za sve nivoe vlasti, odnosno, svi nivoi vlasti u Bosni i Hercegovini su dužni prestati naplaćivati komunalnu taksu na istaknutu firmu. Stoga predlažemo da Općinski načelnik kao predlagač i nadležna služba kao obrađivač, u roku od 30 dana od dana usvajanja ove inicijative, Općinskom vijeću dostave prijedlog Odluke o izmjenama Odluke o komunalnim taksama i tarifi komunalnih taksa, a čiji sadržaj bi uređio brisanje takse na istaknutu firmu iz popisa vrsta komunalnih taksa koje se plaćaju na području Velike Kladuše.

Klub vijećnika Naše stranke

Velika Kladuša, 06.03.2025.